



O Nagradi inovativnih nastavnika i nastavnica

Nagrada za inovativne nastavnike i nastavnice je najvrijednije priznanje među edukatorima i edukatoricama na svim nivoima odgoja i obrazovanja. Cilj dodjele nagrade je prepoznati i promovisati nemjerljiv doprinos posvećenih pojedinaca i pojedinki.



NAGRADA ZA
INOVATIVNE
NASTAVNIKE

O nagradi inovativnih nastavnika i nastavnica

Nagrada za inovativne nastavnike i nastavnice u Bosni i Hercegovini je najvrijednije priznanje među edukatorima i edukatoricama na svim nivoima odgoja i obrazovanja. Snažno doprinosi afirmaciji izvrsnosti, kulture profesionalnosti i promociji nastavničke profesije za koju vjerujemo da je najvažnija profesija i ključni indikator kvalitetnog obrazovanja.

Jednostavno, vjerujemo u nastavnike/ce i za nas **#nastavnicisuvažni** svaki dan!

Cilj dodjele nagrade je prepoznati i promovisati one pojedince i pojedinke koji daju nemjerljiv doprinos razvoju odgoja i obrazovanja, predane i posvećene profesionalce koji svaki dan u vrtiću ili školi pretvaraju u čarobnu avanturu učenja i otkrivanja. Od 2019. godine ponosni smo partner

Svjetske nagrade za nastavnike (*Global Teacher Prize*) koju organizuje i implementira Varkey Foundation, a glavna nagrada je jedan milion dolara. Pobjednici i pobjednice u svakoj kategoriji zajedno sa Centrom za obrazovne inicijative pripremaju aplikaciju za ovu prestižnu nagradu i za tekući nominacijski period. Pobjednici i pobjednice Nagrade za inovativne nastavnike i nastavnice ostvaruju pravo na direktni prolazak u drugi krug takmičenja.

PORED DIREKTOG PROLASKA U DRUGI KRUG TAKMIČENJA, POBJEDNICI

SVIH KATEGORIJA DOBIJAJU VRIJEDNE POKLONE, TE NOVČANU NAGRADU U IZNOSU OD 1500

KM.



Ko se može prijaviti?

Za Nagradu za inovativne nastavnike i nastavnice se mogu prijaviti svi zaposleni ili na drugi način angažovani odgajatelji i odgajateljice, nastavnici i nastavnice osnovnih i srednjih škola i stručni saradnici i saradnice sa područja cijele Bosne i Hercegovine.

Kategorije nagrade

Nagrada inovativnih nastavnika dodjeljuje se unutar pet kategorija, a to su:

- Odgajateljice i odgajatelji u predškolskom odgoju i obrazovanju
- Učiteljice i učitelji u razrednoj nastavi
- Predmetne nastavnice i nastavnici u osnovnim školama
- Predmetne nastavnice i nastavnici u srednjim školama
- Stručne saradnice i saradnici na svim nivoima odgoja i obrazovanja

Unutar svake kategorije nastavnice i nastavnici koji žele prijaviti svoju inovativnu praksu, imaju priliku kontaktirati Stepove mentore za izradu svojih prijava. Komunikacija sa mentorima se odvija putem maila. Mail adrese mentora su oglašene na stranici prijave. Uloga mentora u procesu pripreme prijave podrazumijeva savjetovanje i davanje povratnih informacija u vezi sa praksama.

Collections

[NIN nagrada](#)

[Informacije o NIN nagradi](#)